



327.

18

Q. D. B. V.

**MOTUM  
OPTIMAM CORPO-  
RIS MEDICINAM,**

SPECIMINE INAUGURALI  
RECTORE MAGNIFICENTISSIMO,  
SERENISSIMO PRINCIPE AC DOMINO,  
DN.

1701, 256

*FRIDERICO WILHELMO*

REGNI BORUSSÆ, ELECTORATUS ET PROVIN-  
CIARUM BRANDENBURG. HEREDE &c. &c.

IN ILLUSTRIS ACADEMIA FRIDERICIANA  
SUB PRÆSIDIO

*Viri Excellentissimi*

DN. FRIDERICI HOFFMANNI,

D. Med. Reg. Aulici Philos. Natural. ut & Med.

Prof. Publ. primarii,

PATRONI, PRÆCEPTORIS ET PROMOTORIS SUI  
*omni obsequii cultu atatem colendi,*

PRO GRADU DOCTORIS

rite ac legitime impetrando,

Ad D. April. MDCCL. horis ante & pomeridianis

Publico Eruditorum iudicio exponit

**ENGELBERTUS ANDREAS OTTO,**

NAUMBURGENSIS.


Typis CHRISTOPH. ANDREÆ ZEITLERI, Acad. Typogr.

*Handwritten signature*



326.





DISSERTATIO INAUGURALIS MEDICA  
De  
MOTU OPTIMA CORPORIS  
MEDICINA.

P R Æ F A T I O.



Undamentum, quo sanitas, vita & ipsi morbi continentur, simplex esse, neque diffusum & varium, quivis, qui medicinæ naturæ interiora paullo adcuratius introspicere ac penetrare novit, fateri tenetur. Nihilominus vehementer mirandum est, ad custodiendam sanitatem & morbos propulsandos infinita ferme, diversissimæque indolis a medicis excogitata esse remediorum genera. Simplex natura est in suis operationibus, quibus vita administratur, & pauca sunt, quæ sanum corpus servant, neque si rem paullo attentius consideremus, morborum causæ multiplices: hinc remedia, quæ amissam restitunt sanitatem, neque varia, neque numerosa esse debere, valde videtur credible: immo non credible illud, sed verum esse adfirmo, adeo ut pessimis fatibus atque abusus nostræ artis merito adnumerandum illud sit, quod

A 2

tanta

## 4 DISSERT. DE MOTU

tanta medicamentorum & diversarum compositionum farragine practicum tam veterum quam recentiorum, refertos libros invenias, quibus nihil aliud efficitur, quam ut medendi ars valde difficilis, operosa, insegura, fallax evadat. Certe pauca sunt, quibus medicus, naturæ castens effectus, bono cum successu & salute ægrotantium ac gloria sua uti & curam absolvere potest.

Quinimo plurima nullius momenti & exigua videntur, quæ tamen in servandis corporibus & morbis abigendis, incredibili gaudent potentia, & talia sunt, quæ sex rerum non naturalium titulo comprehenduntur, quibus si recte utamur, magna in medicina sine medicina præstare possumus. Exemplum nobis subministrat motus, sive exercitatio membrorum corporis, cujus tanta vis ac potentia est, etiam veterum constanti adsertione, & etiam ipsa experientia teste, ad sanitatem non modo tuendam, sed ægrotationes quoque corporis expugnandas, ut optimis ac pretiosissimis medicinis longe multumque præferenda sit. Suscepimus id laboris sub divino favore ac gratia, in præsentem materiam hanc! longe utilissimam paulo exquisitius agitare, & quid motus commodi vel incommodi adferat, & qua ratione hic ipse loco præsentissimæ medicinæ sanis & ægrotis servire possit, luculentius quodammodo demonstrare. Deum autem O. M. supplices veneramur, ut benignissima sua gratia nostris meditationibus ac cogitationibus adeste, illaque in solatium miserorum mortalium dirigere velit clementissime.

## §. I.

**P**er motum autem, de quo nobis sermo est, intellectum volumus, istum voluntarium, quo machina pro arbitrio animæ e loco in locum movetur, sive per proprias vires motrices corpori insitas, quemadmodum est ambu-

## OPTIMA CORPORIS MEDICINA. 5

ambulatio, cursus, sive per alienas, ut est equitatio, vectio. Deinceps etiam motus considerari potest ut totalis, quum totum corpus movetur, vel partialis, quum certa dumtaxat hominis pars, v. g. manus, brachium, hinc inde motu volvitur. Opera pretium quoque erit hic insinuare differentiam motus, qua veteres passim usi fuerunt, dum inter motum, exercitationem & laborem distinguunt, quod sc. motus sit res quadam magis communis & conveniens, quam exercitatio, nam saepe multi moventur, neque tamen exerceri dicuntur; exercitatio vero sit motus vehementis, siquidem eum tantummodo motum exercitationis nomine *Galenus lib. II. de sanitate tuenda* dignatur, qui concitatione sua & vehementia anhelitus rationem & naturam immutare quadantenus possit, quandoquidem in quibus, nulla per corporis motus sit anhelitus mutatio, hos minime exerceri dicimus, nec eos motus exercitii nomine dignamur. Brevis, quod si quis magis celerius crebriusque ex motu respirare cogatur, huic tantus motus exercitatio fuerit, ita pugilatus, cursus, saltatio, pilae lusus exercitationes sunt; ambulatio autem, blanda equitatio, vectatio, modulatio vocis seu cantus, tantum motus nuncupari debent. Similiter labor, etsi sit vehementis motus, tamen non omnis labor vocatur exercitatio, siquidem fodientes, metentes, plantantes, venantes, domum exstruentes, laborare dicuntur, sed non proprie exerceri, ut ut eundem sapius effectum cum exercitatione habeat. Proprie veteres exercitationem dixerunt motum corporis vehementem, voluntarium, cum citato anhelitu, sanitatis tuendae gratia factum: laborem autem motum, qui fatigationem secum trahit, & ubi finis hic non intenditur. De singulis seorsim, quid commodi & incommodi alant, quibus individuis, quibus in morbis conveniant, nec ne, sigillatim breviter tamen dicemus.

## DISSERT. DE MOTU

§. II. Primo omnium autem demonstrabimus motum sive exercitatio sive labor aut motus in genere sit optimam esse medicinam, corpus præservantem ab omni morborum genere, quod ut ostendamus, perplacet hujus adfer-tionis confirmationem auspicari a veterum sapientissimo-rum gravissimis dictis, e quibus clarius elucebit, quanto pre-tio habitus & quantopere olim commendatus fuerit ad san-itatem tuendam. Ita Galenus lib. II. de sanitate tuenda scribit, *sanitatis tutela a labore est auspicanda, & paulo postea: laboribus ordiendum. Et libro de boni & mali succi cibus. Ad-sanitatem tuendam, ait, maximum quidem malum est omni-moda corporis quies; perinde atque maximum bonum est, mo-ritio moderata, hoc est, si corpora moderate exercentur.* Et rursus eodem libro de semet, ipso, historiam instituti a se victus recensens, in quem unum quempiam e sodalibus hor-tatu suo pertraxerat, ad hunc modum de exercitiis com-modis disserit. Curam, inquit, ambo adhibuimus, ut ex-erceremur, cruditatesque omnino vitarem, ob idque ad hanc usque diem multos jam annos incolumes viximus. Quod multis ante Galenum annis Aristoteles in *Probl.* expres-ferat, dum illud inquit, cur cibum minuere, laborem au-tem augere salubre sit. An, inquit, quia causam ægrotan-di, excrementorum habet nimietas: quæ tunc certe exsul-tat, quum aut cibum superest, aut labor deest? Clarius au-tem id exprimit magnus & vetustissimus auctor Hippocra-tes, qui libro I. de victus ratione Sect. IV. pag. 7. scribit: *qui comedit, nisi etiam utatur laboribus, sanus esse non potest. Et ibidem. Cujusvis nature conveniens cibi modus, & laborum nu-merus si inventus fuerit, qui neque supra, neque infra modum excedat, sanitas hominibus exacta inventa fuit.* Et idem lau-datissimus auctor lib. VI. de morbis vulgaribus p. 274. sapi-enter pronunciat: *Optime excolunt valetudinem, qui citra sa-tietate*



## OPTIMA CORPORIS MEDICINA.

*tietatem cibis vescuntur, & impigri sunt ad laborem.* Auctor est *Vegetius*, rei militaris peritos existimare, plus quotidianas armorum exercitationes ad sanitatem militum conferendam conferre, quam medicos. Propterea & *Socrates* sapius, teste *Laertio*, saltitabat, gnarus, uti aquæ desides putrescunt, ita & corpora nostra corrumpi otio atque ignavia. Quod egregie *Ovidius* expressit in sexta *mislarum de Ponto* elegia:

*Cernis ut ignavum corrumpant otia corpus?*

*Ut vitium capiant, ni moveantur aquæ.*

Medea hominibus juventutem restituisse & in robustiorem eos atatem retraxisse fingitur, proptereaque eam veneficam fuisse ajunt. At non ita est: fuit fœmina prudens, quæ exercitationibus gymnasticis molles & effœminatos, otioque corruptos ad integram sanitatem traduxit, & laboribus in locis calidis firmavit. Eam ob causam fabulæ occasio data, quasi homines coquendo in juventutem restituerit. vid. *Plempius de Sanit. tuenda pag. 284.* Ex recentioribus placet quoque huc accerere testimonia probatissima, quæ adsercionem hanc firmare ac roborare possunt. Ita scribit *Cl. Pechlinus* observ. XXXIV. *nulla corpora morbis minus obnoxia, injuriisque tolerandis magis idonea reperies, quam illorum, qui a prima statim infantia motu palæstrico, gladiatorio, aut alia vehementia firmitatem sibi contraxere virium, robur, quod quum in seram etatem extendant, usque eo etiam immunitatem a morbis incommodisque facile sibi procurant, quod infinitis exemplis obvium est.* Et celeberrimus auctor *medicinæ mentis & corporis pag. 6.* scribit: *octoginta annor. senes se vidisse, qui quum assidue cursitando in perpetuo motu fuissent, pedibus plus valere, quam multi juvenes, qui & cibos appetenter & somnum quiete ceperunt.*

§. III. Verum non opus est, hic multorum colligere aucto-

autoritates; quin ipsa experientia comprobat, quod illi homines, qui laborant, qui vitam agrestem alunt, non modo sint robustioris corporis, sed & vitæ longævioris, & vitam a morbis magis immunem degant, quam illi, quibus voluptas est, inerti otio advesfacere corpus, & sicuti pulchre scribit *Plempius l. cit. pag. 284.* securitatem soporis simillimam appetere, sub densa umbra latitare, tenerrimisque cogitationibus, quas tranquillitatem vocant, animi marcentis oblectare torporem, & cibus potionibusque intra ædium latebras corpora ignavia pallentia saginare.

§. IV. Stabilita sic experientiæ & auctoritatis fide, res jam poscere videtur, ut etiam laborem exquisitas & solidas rationes in medium producere, quibus clarum evadat, cur motus & exercitatio tam vegetum, sanum & a morbis liberum servet corpus, & valde iis, qui cibus satiantur, necessarius sit. Supponendum autem hic ex Physiologicis est, vitæ & sanitatis rationem pendere maxime a fluorum & catholici istius fundamentalis & vitalis humoris sanguinis perenni, jugi, æquabili circulo & motu progressivo per majores minimosque corporis tubulos, adeo, ut si motus hic salvus ac incolumis est, inutilia, superflua, & excernenda, feliciter per congrua evacuatoria, & transpirationem potissimum evacuentur, utilia autem & corpori nostro congrua seruentur.

§. V. Hic itaque motus circularis est, qui necessaria hac ad vitam syncrissi ac diacrisi corpus ejusque partes tuetur, servat, & ab omni putredine, corruptione, morboso statu ac morte custodit: utpote clarum ac certum est, morbosas affectiones potissimum a circulo sanguinis impedito, & debitarum excretionum defectu ac imminutione, sobolescere atque propullulare. Iam autem si attentius rem consideramus, nihil magis juvat istum motum sanguinis ac fluorum

## OPTIMA CORPORIS MEDICINA. 9

orem internum, quam motus externus musculorum, utpote quancumque musculi qui genuina sunt motus instrumenta pro animæ imperio ministerio subtilis elastici sanguinis & nervorum fluidi, vivida ac mobilissima expansione contrahuntur, accidit, ut strictura quadam agilissima non modo vasa & præsertim venosa ad constrictionem, sicque ad fluidi sanguinis progressivum motum expeditiorem animentur, sed & ipso hoc motu attritivo particula crassiores attenuentur, dividantur hoc modo intestina motio valde incescit, fluiditas, spirituaſcentia, calor augetur, hisce autem in corpore præsentibus transpiratio & superflui humidi evaporatio, discussio, maximo emolumento facilitatur & promovetur.

§. VI. Quod autem motus partium corporis externus & voluntarius, si paullo concitator est, sanguini intensiorem in lineam abeuntem motum conciliet, ejusque calorem & spirituaſcentiam nec non exinde dependentem per spirationem adaugeat, res evidentissima evadit, quando ipsa experientia deprehendimus, ad motus vehementiam corpora quando frigore adfecta sunt promptissime incallescere, respirationem fieri citatiorem, sudorem e corpore promanare largum, faciei calorem fieri vivaciorem, appetitum prostratum erigi, pulsum evadere citatiorem.

§. VII. Ex dictis abunde patet, quantam utilitatem atque emolumentum exercitatio debita adferat corpori: quum enim sanguinis circulum, & excretionum œconomiam, in quibus fundamentum vitæ & sanitatis merito ponitur, sartam tectam servat, non potest non omnibus remedium generibus quæcunque etiam excogitari possunt merito anteferri.

§. VIII. Ulterius jam exquirenda venit ratio, quare sub victu pleniori & ciborum satietate tantum usum ac  
B com-

commodum præstet conveniens corporis exercitatio; a-  
 deò ut si intermittatur, fores apertissimæ (uti fufius jam  
 ostensum est) pandantur gravissimis morbis. Facilis autem  
 videtur esse ratio, quando consideramus cibum copiosum  
 ingestum succos exsuperantes ingenerare, qui ad Sangvi-  
 nem delati ob nimiam molem & copiam ejus motui circu-  
 latorio vitali resistunt & obicem ponunt: dum inter mo-  
 tum & mobile necessaria illa proportio læditur, hincque  
 crudi succi in sanguine congesti, & ventilatione minus de-  
 purati nec calido intestino motu subacti vasa plus justo  
 implent, emunctoria obstruunt undè intemperies, ob-  
 stipationes, anomoli Spirituum & humorum motus: quæ  
 vitia gravissimorum affectuum causæ antecedentes esse so-  
 lent. Notum enim est quam perniciosa sit sentina insa-  
 turabile abdomen, & quod plethora, fœcundissima mor-  
 borum præsertim chronicorum mater, non nisi à ciborum  
 immoderato usu, suboriat. Nisi itaque quis abstinencia  
 & inedia, quæ utique magni morbi præcaveri & sanari  
 possunt, ceu commoda medicina uti velit, opus est maxi-  
 mè ut motu corporis sanguinem excitando eumque; activio-  
 rem reddendo adjuvet illius quod superfluum est absum-  
 tionem, discussionem; quod optimè indicat venerandus  
 Senex Hippocr. L. 1. de Victus ratione Sect. 4. inquit: *Labores  
 ea quæ adsunt consumere solent, tibi verò & potiones quæ va-  
 cuata sunt, explent.* Brevibus: motus debitus tollit & a-  
 vertit plethoram, caloremque suscitando crudum illud su-  
 bigit, & superfluum insensibiliter dissipat. Quamdiu enim  
 legitimo utimur motu, tam diu nec excretiones ordinariæ  
 ac naturales suas deserunt leges: nec ea quæ secundum na-  
 turam ex corpore ejici debent, retinentur: quam in rem non  
 inelegans locus est Galen. Comment. 1. lib. 6. Epidem. c. 5. *Mo-  
 tu paulo, vehementiori redundantes evacuantur humores, &*  
 quic-

## OPTIMA CORPORIS MEDICINA. II

quicquid pituitosum, crassum crudumque est ad concoctionem ducitur. Elucet exinde ratio quare exercitia dicantur veteribus & Galen. l. 4. Aph. Comment. 13. corpora exsiccare, imò extenuare, secundum Aphor. l. 2. Comment. 28. Hinc etiam Hippocr. lib. de salubri diæta: Pingvibus & qui graciles fieri volunt, quando jejuni sunt, labores commendat.

§. IX. At vero opportunus motus non modo vitam tuetur sanam, & corporis actiones servat integras, sed & ipsum animum ejusque vires excitat, ac ingenio vigorem ingenerat: id quod innuit graviss. autor Galen. in lib. de assuetudine hisce verbis: Ab exercitiis anima universæ virtutes augentur & robur accipiunt. Et l. 2. de sanitat. tuenda: Exercitiis modicis tum corporis tum animi, custoditur intra sanitatis fines natus calor. Et pulchre ac scite Plinius l. 1. Epist. 2. Animum agitatione motuque corporis excitari affirmat. Etenim probe tenendum est, copiosum victum spirituscentiam, quæ ad ingenii actiones valdè necessaria est deprimere, & juxta Galenum, animum sanguine suffocatum cælesti aliquid pervidere non posse. Hinc Theophr. l. 5. Philosoph. scribit: multum edere, carnibus vesci, rationis & consilii usum adimit, animosque efficit tardiores, & eos immani quadam dementia ac stultitia complet. Quemadmodum autem motus, vitium illud humorum ac sanguinis ab intemperantia natum corrigit atq; emendat, sanguinemq; subriliorem gignit, ita nullum dubium est, quod etiam animæ, quæ miram convenientiam cum temperie sanguinis habet, optima sit medicina. Testatur hoc Excell. Dn. Præses, qui plures ex nimia cerebri humiditate & humorum copia stupidos, temperantiæ & continuis corporis motionibus postea addictos, sagaciores ac prudentiores evasisse novit.

§. X. Descendimus jam ad alterum dissertationis nostræ membrum; quod in eo consistit, ut motus amissam e-

## DISSERT. DE MOTU

12  
 etiam sanitatem restituere, sive morbos sanare virtute ac efficaciam sua satis potenti queat. Quemadmodum verò hoc conceptu facillimum ita & rationi admodum consentaneum est; dum enim motus plethoram solvit, corpus pervium patensque reddit, superflua & excrementa secludit, obstructions viscerum dissolvit, non potest non etiam magnum habere in medicina effectum, sive tutissimum remedium existere, cui similes virtutes non facillè ab alio tutiori ratione expectari possunt.

§ XI. Res est clarissima & non tantum per experientiam sed & solidam rationem perspicua, remediorum, quæ ex fonte Chirurgico ac pharmaceutico petuntur, præcipuam efficaciam in eo consistere, ut vel nimios & irregulares motus sistant, vel motus segnes, deficientes, atque excretiones imminutas suscitent atque promoveant. Porro etiam compertum est neque negari ab ullo rerum medicarum perito potest; cuncta quæ sanguinis circulum movent, cum blanda diaphoresi, constituere tutissimam & efficacissimam medicinam: id quod omne continetur & conspicitur in motu, qui pro diversa individuorum constitutione probè administratus, non nisi utilis medicina esse potest.

§ XII. Primo autem motus medicinam præbet appetitui prostrato, anorexia variisque stomachi vitiiis, quæ ex colluvie viscida pronasci possunt. Utpote dum calorem sanguinis motus adauget, liberiores spirituum in ventriculi tunicas influxum præstat, hinc digestio melior evadit & robur ventriculo accedit. Vulgaris namque experientiæ est post exercitium corporis & laborem appetitum augeri, adeo, ut veteres unanimi consensu approbent, motus & labores cibos præcedere debere.

§ XIII. Quantum damnum afferat corpori, si quis post nimiam incalescentiam & fervorem conceptum à motu pro-

## OPTIMA CORPORIS MEDICINA.

33

tu protinus haustum frigidum superbibat, testantur præclarissimorum Practicorum numerosæ observationes. Plures sæpenumerò intra breve temporis spatium extincti fuerunt; alii in insanabilem inflammationem ventriculi, heptatis, tabem, hefticam lethalem inciderunt. Quibus omnibus laudatissime succurrit motus in principio statim imperatus. Quum enim frigidum sanguinis gelatinam coagulando, circulationem ejus liberam sistat, non potest melius ipse rursus fluiditate amica donari quam per motum & corporis incalescentiam novam: quod & œconomis ac rusticis non ignotum est, qui equis paralyticis (denen ver schlagen Pferde) quietem haud concedunt, sed, (quamvis lentiori gradu) illos eousque fatigant, usque dum sudore diffluant. Cujus forsitan curationis non ignari olim gentiles in urbe *Neapoli* statuam quandam extruxere æneam, figuram magni equi habentem, quam ægroti equi circumcurritasse, indeque pristinum vigorem ac robur recuperasse feruntur.

§. XIV. Intermittentium febrium species ex meatuum obstructione & perspiratione cutis impedita oriri, constans est sententia: & viscidum in primis viis nec non in sanguine collectum has ipsas fomentare, ex causis antecedentibus, intemperantia, ac perverso victu, hariolari licet. Jam autem nihil magis hic indicatur, quam ut corpus rursus perspirabile reddatur, meatus aperiantur, & viscidum p. n. congestum attenuetur: id quod ipse motus maxima cum euphoria præstat; dum illo sanguis per angustissimos corporis poros & tenuissima vasa capillaria propellitur, sicque necessariò attenuatur & à superfluis excrementitiis partibus liberatur.

§. XV. Affectio hypochondriaca, quæ studiosis, litteratis atque togatis propter sessionem & quietem corporis,

B 3

ris,

ris frequentem valdè solennis est, non certius & securius remedium ex postulat quàm debitum corporis motum; quo ipso plus crebrò præstamus in resolvendo sanguine crasso, & obstructionibus aperiendis, quam præstantissimis medicinis: Sicuti hoc *Clariff. Thom. Sydenham in Dissert. Epistol. de Passione hysterica p. m. 476.* admodum perspicuè deduxit, ubi inprimis de equitationis utilitate disserit, & sacerdotis cujusdam meminit, qui malo hypochondriaco vehementer correptus, sine omni adhibito pharmaco, solò corporis motu pristinum acquisivit vigorem. Spectant & huc, peregrinationes ad thermas, acidulas, quæ propter motum qui in itinere contingit & qui necessario potationi aquarum jungi debet, plus operantur quam ipsa sæpius aquæ. Hinc quivis Aquæ potator fateri debet, non melius esse cum ipso & mitiorem morbum experiri, quam si frequentius corpus motu exerceat. Hoc enim transpiratio, hoc alvi excretio procuratur, magno cum istorum emolumento. Eò referre quoque licet omnes illos qui cachectico habitu corporis sunt præditi, qui ex torpore humorum, scabiè, tumoribus œdematosis, variisque rheumaticis defluxionibus corripuntur; qui omnes auxilium desideratissimum experiuntur debito corporis motu.

§. XV. Nulli insuper morbo magis conveniens & accommodata est corporis exercitatio, quam febribus lentis, ex ventriculi vitio, interpestitiva febrium intermittentium suppressione & perversa curatione subortis. Utpote in hisce viscosus lentus humor tubulos ac meatus hinc inde obstruens, intensum fervorem ac æstum corporis succos plus justo confumentem producit; cujus tamen incendii fomes (intelligo viscosum illum lentorem) corporis succusione æquabili, quæ vel per equitationem vel per vestionem absolvitur, egregiè dissipatur. Et cum similis ferme lentus



OPTIMA CORPORIS MEDICINA.

15

lentus calor sepiſſimè affligat corpora à diurno morbo & febre exhausta, vel propter largam hæmorrhagiam imbecillia facta, præſertim quando appetitui paulò avidius indulgent, hinc eo caſu debitus corporis motus aptiſſimum invenit locum, quoniam nimirum digeſtionem, qua in præſenti caſu valdè imbecillis eſt, ſuſcitato calore mirificè adjuvat. Hanc in rem eleganter ſcribit: *Ceſſ. c. 15. de Geſtatione. Geſtatio quoque longus & jam inclinatis morbis aptiſſima eſt: Utiliſque eſt & his corporibus, qua jam ex toto febre carent, ſed adhuc exerceri perſe non poſſunt; & his, quibus lenta morborum reliquia remanent, neque aliter eliduntur. Et Richardus Morton Exercitat: de Phthiſi pag. 26. aſſerit: quod febre lenta vel etiam phthiſi laborantes ad ſudores uſque moderatos quotidie exercendi ſint; quo nimirum ſaburra veteris effœti & inutilis chyli, qui vaſa ſangviferæ & habitum corporis jam infercit, ex ſuderur, ut locus novo, utiliſque copioſior detur, & conſequenter appetitus in ventriculo augeatur.*

§. XVII. Præterea in aliis gravibus etiam morbis & afflictionibus, corporis motus & quidem validior conducibilis eſt. In tabe, ſtomachi vitiis & cum aqua cutem ſubit, inque morbo regio, aut ubi quidam morbi ſine febre manent, qualis comitialis, qualis infania eſt, *Ceſſ. l. cit.* admodum illum commendat. Morbi hi dicti omnes ex frigido denſo humore, vaſa hinc inde obſtipante & ſanguinis circulum impediante, naſcuntur; qui tamen motu corporis validiori, optime in ordinem redigitur. *Cl. Thom. Sydenham Diſſert. Epistol. de paſſione hystERICA p. 476.* ubi de equitatioe loquitur, aſſerit, nemini convenientiorem eſſe corporis motum, quam ipsis tabidis phthiſicis que; quod ſequentibus exprimit verbis: *Neque magis hypochondriaci prodeſt hoc exercitii genus, quam tabidis phthiſicis que, quorum nonnulli*

*Nulli mihi sanguine juncti multum terrarum equo vectore peragrantes, ex meo consilio, sanitati sunt restituti; cum certo sciam me vel medicamenti quanti vis pretii aut alia methodo, quaecunque demum ea fuerit, nihil magis iisdem proficere potuisse, quam si multis verbis hortatus fueram ut rectè valerent.* Illustrat hanc Sydenhamii adsertionem Magnificus atq; Excellentissimus Dn. D. Stahl, in programmate propemptico inaugurali de novo specifico antiphtisico, equitatione, edito: ubi probationibus luculentissimis lectu & relectu dignissimis motus efficaciam in phtisii & hectica, monstratam B. L. inveniet.

§. XVIII. Notatu dignissima est *Observatio XXXV. clarissimi Pecchini*; ubi amici cujusdam mentionem facit, qui cum a quartana inveterata pessime haberetur, remedium quæ medici manus commendaverat, pertæsus, animique fidens instante jamjam paroxysmo equo se committeret feroci, cui domando cum omnes vires intendere deberet, provocata tandem quatuor horarum lassitudine eo rem deduxit, ut morbi vestigia penitus oblitarentur, neque exinde febris magis inquietaret, quæ tot medicaminum sudorumque impendio frustra sollicitata fuerat. Utrum in illa musculorum sapius & in omnem partem vextorum systole sanguinis e minimis reconditisque venis, in quibus obstructions residere solent, fortius quam per sudores fuerit impulsus coaguloque viscoso allisus (ut sic ipsum quoque solveretur) magnamque sui partem eodem flumine abreptus, vel in urinam vel alvum secederet, haud temere judicaveris.

§. XIX. In colica biliosa, non datur præstantius remedium quam ipse corporis motus; sicuti id laudatissimus Sydenhamius indicat, dum ægrotis chronico hoc affectu laborantibus equitationem vel in curru vextionem, quo  
logiora

OPTIMA CORPORIS MEDICINA.

longiora itinera confici debeat, optimâ ratione commenda-  
dat. Hujusmodi enim, inquit, materiam morbo committens,  
in corporis habitum deducitur, & sanguis perpetua agitatione  
comminutus de novo quasi depuratur, ipsaque demum intesti-  
na caloris nativi excitatione haud parum corroborantur & re-  
focillantur. Nec pudet fateri me dicto exercitio morbum hunc,  
cui alio quovis modo devincendo par non fui, plus semel peni-  
tus expulisse. Vid. Sydenham. oper. med. univ. p. m. 192.

§. XX. Corpora, quæ ad rheumatismos, catharrhales  
defluxiones, arthriticos dolores, ophthalmias humidas, val-  
de proclivia sunt, non meliorem inveniunt præservantem  
medicinam quam in motu pro subjecti natura ac indole  
temperato. Etenim & hæc dictæ ægritudines ab excremen-  
ti serosi humidi accumulatione, transpirationis defectu &  
segniori sanguinis motu, causam atque originem suam pe-  
runt. Pertinent & huc Podagrici, quorum non nullos ipse  
nosco qui recuperatam sanitatem suam corporis exercitio  
acceptam ferunt. Consentit in hæc rem Galen. l. 6. Aphor.  
Comment. 28. inquit: *Exercitatio Podagram fieri prohibet.*  
Et ulterius confirmat hoc ipsum assertum experientia, dum  
rustici, operarii, rarissime hoc affectu corripiuntur, nisi for-  
san ex dispositione hæreditaria corpus invaserit.

§. XXI. Tandem nec silentio illud prætereundum  
est, quod motus juvet multorum medicamentorum ope-  
rationem, adeo, ut sine ipso, exoptatum in medendo effe-  
ctum neutiquam exerere possimus. Ita notum est, si pur-  
gans fuit assumptum vel etiam vomitorium, corporis motu  
non nimis tamen forti, medicamenti virtutem egregie a-  
ctuari imo intendi, ut longe copiosiores sedes experiantur  
qui motum purgantibus subjungunt, quam qui fruuntur  
quiete: juxta illud Galeni l. 4. Aphor. com. 15. *Quies vomitum  
sistit, motus facit. &c.* Singularem hujus rei illustrationem

C sistit



fuit casus, in Collegio casuali hactenus habito ab Excell. Dn. Præside communicatus. ubi nobilis quidam vir post octiduum pertinacissimam alvi constipationem omnibus etiam præscriptis Clysteribus moveri non potuit, usque dum ipse æger hinc inde in lecto volutus & agitatus fuerit: quo facto corporis motu mox fœces copiosissima cesserunt.

§. XXII. Martialia sive in forma sicca sive in liquida administrantur, non nisi imperato post eorum usum motu felicem sortiuntur effectum: hinc peritiores Medici nunquam cautelam hanc in applicandis iis remediis omittunt, probe gnari, quod ex hujus intermissione non modo vis medicamenti imminuatur, sed & notabilis noxa, dum in ventriculo non soluta manet metalli portio, inde emergat.

§. XXIII. China China, remedium uti compertum est multiplici experientia, adversus febres est incomparabile; quod tamen non modo efficaciam suam sæpius amittit, sed & contrarium effectum edit, nisi parva repetita dosi, & cum motu corporis in quo totius curæ & applicationis arcanum consistit, administretur. Nimirum, si majori dosi ingeritur, ipse ventriculus ejus copia premitur, & dum non à menstrualis lymphæ ibi resolvitur, effectum omni destituitur; quin imo etiam soluta sanguinique ingesta, (cum adstringentis facultatis sit,) obstructions & obstipationes viscerum potius parit, quàm ut roborando viscera (id quod tamen intenditur,) motum sanguinis & humorum excrementitiorum ejectionem procuret.

§. XXIV. Post venæ sectionem motus corporis conveniens & in aura serena, liberiori, institutus, omnibus modis sradendus est: quod scilicet liberior & æquabilis per omnes partes sanguinis dispensatio ac motio fiat, & ex detracto sanguine forsitan resultans imbecillior calor & spirituas-

cer-

OPTIMA CORPORIS MEDICINA. 19

centia defraudata refuscitetur; qua ratione præcaveri possunt cruditates ventriculi, quæ largiorem sanguinis misisionem non raro excipiunt.

§. XXV. Acidulæ & omnes aquæ salubres frigidæ incredibilem potentiam habent tam mole sua, quam virtute specifica minerali stimulante inveteratas viscerum obstructions expediendi, & viscidam amurcam vasorum colligandi; nisi autem motu externo sufficienti comitentur & ipsarum virtus juvetur, frustraneus sæpè illorum est effectus, omnemque spem ægroti & medentis eludunt. Quippe frigidum istud copiosum motu externo incalescere debet, & vigore musculorum aucto citius & celerius per meatus corporis & viam regiam rursus transit.

§. XXVI. Ultimò adducam fœminarum pleraque incommoda dependere à mensium fluxu irregulari & non ordinem, rectum modum ac tempus servante. Cum verò gravissima à mensium defectu natales suos recipiant mala, nemo hinc in dubium vocabit, motum, qui sanguinem æqualiter exagitat, qui viscidum quod ejus turgescentiæ adversatur, & uterinas venas occludendo constipat, dissolvit, nobilissimum præstare posse auxilium in omnibus ferè, quos experiuntur, morbis chronicis ipsæ fœminæ: Tantum, ut abstineant à validioribus omnibus exercitiis, si gravidæ sunt. Quid enim frequentius accidit quam à motu validiori inprimis circa medium gestationis tempus causari abortum? quum primariò omnes ferè gravidæ sint plethoricæ: undè si per motum externum sanguis iste exsuperans nimium commovetur, vasa quæ in uteris prægnantium valde distenta sunt, dirumpit, & diruptione hac enormissimam hæmorrhagiam, individuum abortionis comitem, suscitatur. Nihil ominis verò gravidarum conditioni ac statui, temperatus corporis motus nonnunquam o-



ptime congruit, dum scil. liberio rem transpirationem efficiendo, multas serofas impuritates non sine singulari emolumento matris & fœtus excludit.

§. XXVII. Postquam itaque in genere deduximus quem usum atque commodum habeat in tuenda sanitate, morbisque avertendis ipsisque propulsandis, opportuna corporis exercitatio; e re nostra ac perutile fore arbitror, si jam breviter cunctas ferè & primarias exercitationum species percurram: & quid quævis commodi vel incommodi asserat, quibus in morbis & individuis quadret, & quæ regulæ simul servandæ sint, succinctè & evidenter annotem.

§. XXVIII. Exordium faciam ab ipsa deambulatione, in aere libero quæ omnium opportunissima, instituta. Veteres & inter hos Plato, deambulationem in aere liberiori rústicano celebraram, ei quæ in civitatibus instituitur, præferunt, partim quod ob vias planas commodior sit, quam si viæ lapidibus duris stratæ sunt, partim etiam quod aer, qui genuinum spirituum pabulum est, ibi serenior & defecator existat. Ipse *Plinius* animum eruditione, corpus ambulatione & venatione exercebat, mille passus manè ambulabat, movebaturque pila satis fortiter; nam hoc exercitationis genere pugnabat cum senectute; unde quoque illi post septimum & septuagesimum annum, aurium ac oculorum vigor integer & vividum corpus permanebat. *Vid. Plin. l. 3. Epist. 1.* Moderata species motus deambulatio est, & litteratorum conditioni admodum accommodata; quippe in hac musculorum actionis æquilibrium servatur, & sui invicem officia musculi alternant: cum que universa simul machina in ambulatione laboret, musculorumque omnium sit æqualis commotio, fluidi circuitum toti corpori ex æquo respondere necesse est: à quo, cum viscera habitusque corporis robur suum atque calorem accipi-

ant,

OPTIMA CORPORIS MEDICINA. 21

ant, utiq; etiam illorum in illa sanguinis per motum divisione mirificè confirmari, credibile est. Digestionum & secretionum negotium hic motus etiam egregie & placide procurat, & ab hypochondriaca affectione, cruditatibus, alvique damnosa obstructione, tagatos & litteris additos egregie præservat. Unde haud immeritò locum hic invenit illa *Martialis* assertio; qui insanix adscribendum esse putavit, si homo juvenis & validus aliorum pedibus ambularet per urbem.

§. XXIX. Deambulationi succedit saltatio blanda & placida; cujus originem Græcorum scriptores ex cælis, stellarum, siderumque lationibus, eorumque gressu ac regressu, complexu ac ordine tanquam harmonica quadam cælestium chorea deducunt. *Vid. Cornel. Agrippa de Vanitate scientiar. Cap. de Saltatione.* Similes ferme & eosdem effectus habet cum deambulatione si moderate instituta fuit; quando vero modum excedit, ita ut corpus sudore diffluat mirum fatigare & lassitudinem membrorum non nisi post aliquot demum dies cessantem, producere potest. Ubi tamen notandum venit, quod illæ exercitationum species, quæ cum voluptate quadam peraguntur, veluti saltatio est, etsi interdum celerius quam par sit celebrentur, non damnum semper neque tantam noxam corpori inducant, quam quæ omnis delectationis expertes sunt. Siquidem illi qui sese exercent, minorem sentiunt molestiam & affirmante *Silvatico Controvers. 15. pag. 79. ex hilaritate laborem ut plurimum fallunt, neque ante justæ exercitationis tempus fatiscuntur, ac paulò ulterius quam par sit, sæpe progressi, excessus tamen noxam minime sentiunt.*

§. XXX. Vehementior autem motionis species est cursus; qui sicuti corpus plus calefacit & humores intensius movet, ita magis corpora exsiccat, extenuat, viscidum



## DISSERT. DE MOTU

resolvit, obstructionum claustra perumpit; modo illa obfervetur regula ne plethoricis & qui multum sangvinis crassif in venis alunt imo insuetis, imperetur: alias sangvinem nimis commovendo, lassitudinem non modo, sed & dolores capitis, oppilationes hepatis, hæmorrhagias, asthmata inflammationes in pulmonibus excitare valet. Videtur mihi valde commodatus esse febricitantibus, ubi febris imprimis fuit intermittens chronica. Tunc enim nisi summa obstructionum in visceribus pertinacia impedimento sit, celerrime viscidum illud consumit quod meatus cutis occludendo spasmos in cortice corporis excitat, atque motum cordis & arteriarum plus justo intensiorem seu febrem provocat. Testantur hoc vitæ agresti dediti, qui tertiana correpti motu haud rarò & in primis cursu in excessum & ad lassitudinem usque peracto, promptissime curantur: unde etiam febricitantibus cursirationem, sed non diu continuandam svadet *Gregor. Horst. vid. Oper. Med. Exercitat. 4. de febr. putridi curatione.*

§. XXXI. Ordine jam sequitur pilæ parvæ lufas, quem præ aliis exercitationis generibus commendat *Galenus*, qui etiam peculiarem libellum de eo conscripsit. Totum corpus hoc exercitium commovet, dum crura, brachia, cervicem, caput, oculos, dorsum, admodum celeriter & æqualiter exercet. At verò in assvetis fatis hæc corporis agitatio molesta est, quoniam nimis vehemens, unde etiam assvetis tantum & qui viribus constant commendanda: semper tamen illud injungendo, ne corpore per sudorem lique factò subitaneum frigidum haustum ingerant, quale quid athletarum non paucos vita diremit, dum astmata, colicas convulsivas, pravas viscerum obstructiones, hecticam, hydropem post se traxit. Quoniam itaque non omnibus congruum est pila ludere, neque etiam decorum, isti in amplo aliquo cubi-



549

OPTIMA CORPORIS MEDICINA. 23

cubiculo ea ludere possunt, in parietem pilam impellendo, resulantem excipiendo vel in sphaeristerio manu nuda aut instructa reticulo.

§. XXXII. Apud veteres singularis in usu erat motus species, disci projectio. Erat autem discus rotunda moles faxea vel plumbea vel ferrea, cujus jactu juvenes inter se certabant, ita ut fortior judicaretur, qui aut altius in sublimem, aut longius in tractum, ultra designatum spatium illam projecisset. Hic lusus hodierno tempore exolevit, viceque ejus jactant soleam ferream aut paxillum, & obiculum aeneum planum per longam mensam protrudunt. vid. *Plempius de Valetudine tuenda p. 290.* Satis insuper validum erat hoc exercitium hincque adolescentibus tantummodo robustioribus concedebatur. Illis enim qui renum aut thoracis affectibus laborabant, majorem inferebat noxam; ubi tamen e contrario illorum qui artuum vigore & respiratione valida pollebant, spinæ dorsi ac thoracis articuli discum in longius projiciendo firmabantur.

§. XXXIII. Valentissimum exercitii genus, & ob id minus conveniens est hoc, quod germanice vocant *voltzieren*. In quo, dum præter tam varias corporis inflexiones & summopere nocivas extensiones, equo cuidam ligneo, mutatis vicibus, modo antrorsum modo retrorsum, modo dextrorsum, modo levorsum insultant, fibræ musculorum motrices vehementer premuntur, totumque corpus supra modum conquaesatur; ut quamvis hac nimia commotione muscoli & partes tendinosæ robustiores reddantur, tamen spinæ dorsi luxatio, partium ruptiones, facillime contingere possunt. Unde talismodi exercitatoribus articulorum luxationes, intestinorum provolutiones ac herniæ familiares sunt. Sicuti ex sola femoris distensione herniam intestinalem oriri posse, autor est *Job von Meßern Observ. Chir.*

*Chir. p. m. 296. cap. 6. & Blankard. in Institut. Chirurg. cap. 26.*  
inter frequentissimas herniæ aquosæ causas hanc corporis  
torturam refert.

§. XXXIV. Nunc in scenam prodit pugillatus tragi-  
cum profecto artificium, quo hominem sæpe innoxium oc-  
cidere lusus est. Hoc exercitii genus admodum mihi vide-  
tur laboriosum, hinc robustis & evsarcis tantum utile cen-  
setur: quorum articuli tam manuum quam pedum artifi-  
ciami hac luctatione firmantur, muscoli quoque nervi ac ten-  
dines robustiores evadunt; & quemadmodum hoc exerci-  
tio corpus fit agilius, ita iudicium quoque acuitur, quo om-  
ni fere momento ad avertenda adversariorum tela opus  
est. Debiles vero & spiritibus depauperati hoc exercitio  
summo opere defatigantur; qui si ad sanitatis tutelam artem  
hanc eligunt gladiatoriam, in scyllam incidunt; plures enim  
novi qui in hac arte nimium laboriosi, phtisici, imo ex vi-  
rium langvore hypochondriaci & ingenio hebetiores eva-  
ferunt.

§. XXXV. Spectant huc etiam omnes operariorum ac  
rusticorum labores, veluti sunt diuturna trituration, ligni  
dissectio, demessio, agricultura. Hæ quantum ad longam  
& sanam vitam contribuant, paganorum durities & inof-  
fensa corporis valetudo ostendit. Utpote si quid in illo-  
rum humoribus vitiosum collectum est, id per has agitatio-  
nes membrorum mediante sudore commode excernitur:  
& tam efficax in istis est actio ventriculi, ut etiam crudio-  
res & duros cibos optime subigere queat. Notandum, illos  
qui hoc vitæ generi sensim assuescunt ac sanitatis causâ in  
agrestibus operibus sese exercent, vegetiores reddi; quod  
sequenti clarius redditur exemplo: Pastor quidam in prin-  
cipio ministerii sui diu valetudinarius, multis remediis sine  
effectu assumptis, incidit tandem in medicum quandam, qui  
fani-

OPTIMA CORPORIS MEDICINA. 25

sanitatem ipsi via compendiosa pollicebatur. Hic cum nulla se in usum vocaturum medicamenta enarraret, percontari cœpit Evangelii minister, quis tandem ad salutem ipsi pateret aditus? Medicus, tum ut omnibus remediis valideret, tum ut trocho ingenti ad blandam sudoris eruptionem luderet quotidie, hortabatur. Exercitium placebat, displicebat trochus, itaque trochi vice ligna quotidie findere decretum fuit, idque adeo exacte a valetudinario statuto tempore observatum fuit, ut hic labor vicinos hora admoneret. Promissis respondet effectus: vixit enim diu non tantum firma valetudine, verum ab omnibus morbis ad vitæ exitum fere immunis. vid. *Bartbolom. de Moor tr. de Instaurat. Medic. p. 345.*

§. XXXVI. Dicendum etiam aliquid est de singulari motus specie, quæ sine membrorum motu perficitur; & est pronuntiatio vocis. Hæc Togatis & Litteratis utilissima est; unde egregia sunt quæ habet *Plempius l. c.* de hac ipsa, dum ait: *Usus sermonis voce pronuntiati quotidianus, mirum dictu, quam utile sit genus exercitationis, non ad sanitatem duntaxat, sed etiam ad vires; non quidem Athleticas eas, aut que carnes augeat, sed que principibus membris, penes que vitæ facultus potissimum est, naturale robur, vigoremq, verum addit.* Vox cum fiat respiratione adaucta, qua sanguinis impulsus in cor & transitus per pulmones citatior fit ob pulmonum reciprocum & crebriorem dilatationem ac compressionem, calorem adauget, sanguinem attenuat, venas expurgat, artérias aperit, coire & condescere humorem supervacaneum non patitur. Compertum enim ex Physiologicis est, respirationem sanguinem neutiquam refrigerare, sed potius continuo isto allitu & attritu calefacere nam dum sanguis per angustias innumerorum tubulorum pnevmonicorum transit, agitatione calidior ac floridior redditur, ejusque motus

INDEX 2.

D pro-



progressivus mirum quantum augetur: sicuti id patet in Concionatoribus, qui etiam hyeme acerrima in Suggestu adsudorem usque, insignem corporis, fervorem sibi adsciscunt. Quocirca non incongrue *Celsus* inter exercitationes imbecilli stomacho convenientes claram lectionem commendat. Vitandæ autem vociferationes, nimis animi motibus expressa vocemque per vim quandam extundentes; inæquales enim spiritus contentiones, sicuti *Plempius* loquitur l. cit. gignunt hernias. Cavendæ quoque sunt pronunciationes seu lectiones intensiores à cibo liberaliori sumpto.

§. XXXVII. Ad motus corporis alienis viribus peragendos nunc devolvitur nostra meditatio. Hi lenioris naturæ sunt, iis maxime commendandi qui imbecille corpus ac viribus destitutum sive per morbum, sive per alias causas habent. Ejusmodi sunt Vectio in curru, navi, sella, lectica. Olim in Lectica portabantur Lethargici, & qui intestinorum fluxionibus laborabant. Sellæ portatili insidebant diurno quodam & lento morbo impliciti, nec non febricitantes, quorum febris ad declinationem erat perventa. Tabificis propter mutationem climatis & blandam corporis succussionem navigationem svaedet *Celsus* l. 3. c. 22. Ideoque tales ex Italia in Alexandriam misit, & si imbecillitas virium longam hanc navigationem disvadebat, nave tamen, sed non diu se movere, simulque ab omnibus negotiis & rebus, quæ animum sollicitare possunt, abstinere iussit. Phlegmaticis, crassis, obesis & quartanariis vectionem in Rheda commendat. *Jonston*. in *Syntagm. m. pr. l. 1. c. 2.* Dum enim totum Corpus æquabiliter sic concutitur, ipsaque viscera simul tremulo motu agitantur, accidit, ut sanguis & humores hac ratione ad promptiorem motum & circulum invitentur.

§. XXXVIII.

## OPTIMA CORPORIS MEDICINA.

27

§. XXXVIII. Hisce motuum speciebus, quæ aliis viribus peraguntur, annumeranda quoque venit equitatio. Blandissima hac corporis concussione, ultra moderationis terminum non profecuta, sanguis citra virium dispendium in omnibus membris, nec non universa musculorum series æqualiter movetur; unde sanguis non solum subtilisatur, fluidiorque redditur sed & visceri ac crassi humores ex glandulis partium tubulis excutiuntur, & in cavitates excrementis colligendis dicatas, deponuntur. Hac forsitan ratione in Angliâ gravissimis etiam morbis tumque colicum renum doloribus equitationem adhibent; de qua tamen hoc loco monere debeo, ut in aliis motibus, ita hic quoque graduum aut vehementiæ habendam esse rationem, neque promiscuè parem motum omnibus morbis æquandum esse. Hinc equitatio assuetis tantum conveniens judicatur, insuetis enim gravis esse solet, & præter lasitudinem membrorum, caput, pulmones, dorsum & nates admodum sensibiliter offendit. Tales ideo equitationem in primis fortiolem fugiant, & cum his, illam abhorreant nephritici, & calculo laborantes, si non voluntario oleum addere volunt Camino: metuendum enim, ne lapis angulosus opportunè hæctenus situs, hac corporis concussione in alium ac nocentiolem locum rejiciatur, & situ mutato scenam evertat; quod oppidò multis tristissimisque exemplis notum esse puto.

§. XXXIX. Quemadmodum autem Medicina selectissima, nisi convenienti tempore, certa proportione, ordine ac dosi adhibeatur, neque respectus habeatur ad individua, ratione ætatis, temperamenti, habitus corporis, vitæ generis multum variantia, ingens damnum imo periculum afferre solet, ita etiam illud ipsum verum est de motu; qui nisi prudenter, ratione individuorum habita, certoque tempore ac modo utamur, plus detrimenti quam  
 D 2  
 utili-

utilitatis ab ipso expectandum in arte Medica erit. Placet hinc generales quasdam regulas circa motum recte administrandum atque instituendum adjicere; ut quivis prudens Medicus inde discat verum ac legitimum hujus remediū usum & nocivum abusum.

I. Universim illud tenendum est, quod placidæ exercitationes & motiones debilioribus corporibus & in quibus vires à morbo diuturniore exhaustæ, plus conferant quam violentæ. Hæ enim virium paucarum reliquias ulterius dissipando, langvorem inemendabilem facile inducunt, unde prudentissimum monitum est *Celsi l. 2. c. 15. Levia quidem genera exercitationis infirmis conveniunt, valentiora verò his, qui jam pluribus diebus febre liberati sunt, aut his qui gravium morborum initia sic sentiunt, ut adhuc febre vacent, i. e. ubi vires adhuc constant.* Quocirca senibus, pueris, hecticis, phthisicis, ex morbo convalescentibus, placidum genus motionis, quale præstat vectio in rheda, navi, omnino concedendum est. Ex adverso autem corpora robustiora quæ viribus valent, & periodicis quibusdam morbis certo tempore corripiti solent, non ineptè paulò validiori motu corpus exercere debent: cujus generis sunt pilæ lusus, pugillatus, saltatio, aut labor in rebus mechanicis.

II. Carnosi, pingues, & qui corpora habent multo humore obfessa & in venis ingentem quantitatem sanguinis & feri alunt, diuturnius corpus moveant, necesse est quam graciles, in ediam passî, vigiliis, venere & diuturno labore spiritibus exhausti, & qui complexionis cholericæ sunt; quibus omnibus celerior & vehementior motus summa est perniciēs. Spectant huc egregia dicta veterum & præsertim *Sapientiss. Hipp. qui libr. de salubri Dieta: Carnosos ambulare citius oportet, graciles verò tardius.* Et eodem libro: *Pingues*  
 & qui

OPTIMA CORPORIS MEDICINA. 29

*Et qui graciles fieri volunt, omnes labores jejuni facere debent  
& cibos assumere anhelantes adhuc ex fatigatione.*

III. Ratione ætatis singularia etiam merentur adverti circa usum nostri remedii: Nempe infantibus idoneum est in lectulis, cunis, vel nutricum ulnis moveri. Pueri tertium aut quartum annum agentes vehiculo agitari debent, & ut proprio quoque motu incedant, assuefaciendi sunt, ita tamen ne nimis properè ambulent, id enim crura distorquet. Septennibus concedatur exercitatio liberior, minor tamen quam vires ferunt, ne membra lædantur: interim monendi sunt, ut ambulent, ludant globulis, pila minori, &c. assuefcant quoque equitare, hoc enim faciendo fortes fiunt membris & animo hilares. Neque ulli ætati magis est conveniens motus quam ipsi puerili, dum hæc ætas propter nimiam edendi voracitatem valde obnoxia esse solet infarctibus viscerum & exinde promanantibus lentis, tabidis, & hecticis febribus; quæ tamen incommoda omnia averti possunt si ipsis pueris decentem corporis motionem concedamus. Juvenes & mediæ ætatis viri, in quibus velocior est sanguinis circuitus, præsertim si multum sulphuris contineat, merito à vehementioribus exercitiis, pugillatu inprimis repentè instituto ac saltu vehementiori (*volti fren*) abstineant; cum experientia doceat, inflammatorias febres, ardentis pleuriticis, peripnevmonicas creberime sibi contraxisse: cum potius lusus cum globulis ligneis & eburneis (*Byliard*) nec non placida saltatio ac modica equitatio magis istis quadret, & suavis *Illustr. Baconis de Verulamio Sermon. fidelium XVIII.* peregrinationes ad regiones exteris illis contingant, quo præter corporis in itinere motionem, saluberrima climatis frui possint mutatione. Ita etiam senes nec quietem nec exercitium vehemens postulant, qui tamen motu corporis conveniente, (ceu



## DISSERT. DE MOTU

30

ventulo quodam flamma exigua) accenduntur. Hinc si eos exercere jubemus, virium rationem semper habeamus necesse est. Imbecilliores levisimis saltim motibus, ut gestationibus, vectionibus in rheda; validiores ambulationibus ac brevibus itineribus exercentur. Ubi tamen semper habenda est consuetudinis ratio *juxta illud Hipp. aphor. 49. sect. II. Qui solitos labores perferre consueverunt, etiamsi invalidi sunt aut senes, eos facilius ferunt, quam qui non assueti, quamvis robusti ac juvenes.*

IV. Meretur & hoc diligenter servari: ut si à motu aliquis medicinam & auxilium petere velit; ne si ei non asfuerus fuit, statim in principio repente & nimis vehementer moveat corpus. Dignissimus est observatione & hanc in rem valde accommodatus *Aphor. 51. Sect. II. Hipp. Multum & repente evacuare, aut replere, aut calefacere, aut frigefacere, aut aliter quocunque modo intempestive corpus movere, periculosum est.* Valet hoc maxime de melancholicis & plethoricis, qui si subito vehementem diu perseverantem motum subeunt, & capitis dolores membrorum lassitudinem, febres, inflammationes, difficilem respirationem sibi accersere possunt, quo spectat egregius *Galenii aphor. 13. post. 20. Exercitia si hominem pituita redundante vel bili flava aut atra, aut sanguine, invenerint, ipsi apoplexiam vel epilepsiam, vel ruptionem vasis in pulmone causat.* Unde magis convenit primo paulatim & successive assuescere motui fortiori; nempe ut primo corpus lentius tardiusque moveatur, postea procedendo gradatim ad validiores motuum species. Ratio enim in procinctu est; quod, si sanguis crassus & copiosus invehementissimam agitationem conciat, cum impetu ruat ad partes, ibique vel hæmorrhagias, vel hisce non succedentibus, stases inflammatorias spasmodicas suscitit,

V. Exer-



OPTIMA CORPORIS MEDICINA. 32

V. Exercitationes cibum præcedant; id quod veteres crebrius in scriptis suis inculcarunt. Et optima regula est ipsius Celsi l. 1. cap. 2. *Exercitatio semper antecedere cibum debet: in eo qui minus laboravit, & concoxit, remissior, in eo qui assuetus est & minus concoxit amplior.* Commode verò exercent clara lectio, arma, pila, cursus, ambulatio, atque hæc non utique plana, commodior est: Siquidem melius ascensus quoque & descensus, cum quadam varietate corpus moveat, nisi tamen ad perquam imbecillum est. Post cibum autem omnis motus vehemens valdè noxius observatur. Hinc Galen. l. de boni & mali succi cibus: *Exercitatio ut ante cibum bona valetudini maximum adfert commodum, sic qualiscunque sumto cibo motus noxius admodum est.* Instituto enim statim post cibum exercitio, alimenta nimis citò ex ventriculo & intestinis præcipitantur, hinc que crudorum humorum copia accumulatur & chymus adhuc crudus & viscidus ad sanguinem per vasa lactea defertur, qui postmodum totum corpus reddit cacochymicum, & obstructionibus in partibus solidis, scæbici inprimis, nec non viscerum distensionibus suppeditat materiam: quod suo tempore jam notavit Galen. l. 6. de sanitate tuenda, dum inquit: *Exercentibus se à cibo, vaporibus caput impletur, & non nullis in hepate ponderis ac distensionis sensus percipitur.* Et Comment. ad Libr. 1. de salubri Dieta: *Exercitationes à cibo vehementes in causa sunt cur multis viscera sunt oppilata.* Ubi tamen leves deambulationes una vel altera hora post pastum institutas haud inficior, quarum ope chylus novus eò promptius ad sanguinem defertur.

VI. Cicra exercitationis quantitatem seu mensuram observandum venit, ut continuentur, (si vires concedunt,) exercitia ad debitam usque intumescentiam & totius corporis calorem æqualem, donec corpus appareat floridum, nec



## DISSERT. DE MOTU

32  
 nec non lassitudine affici incipiat, & sudor modicus aut saltem calidus vapor erumpat: quorum aliquo apparente ab exercitatione desistendum est; juxta *Aphor. Hippocr. Sect. II. In omni corporis motu, quando dolere coeperit, interquiescere, statim lassitudinem curat.* Si vero ultra modum fuerit instituta exercitatio, ex succis nutritiis major tenuium partium copia in auras pellitur, quam a cibis & potu singulis diebus reparari possit, quare succi qui alias blande inter se moverentur, incrassantur & in motu remorantur. Ita quoque si exercitium in defectu peccat, tantus malorum acervus cumulatur ac in excessu: cum enim semper simus quieti ac ab exercitiis vacui, consequenter minus respiramus & sanguis quoque minus accenditur; unde humores viscosi ac motui minus parentes fiunt, alimenta & excrementa nimis diu in intestinis hærentia p. n. visciditatem contrahunt & innumeris malis, morbis præsertim chronicis, panditur via.

VII. Quod regimen exercitationum attinet, omni labore ac studio cavendum est ne corpus validioribus exercitiis calefactum, nimis celeriter aeri frigido objiciatur, multominus frigidi potus intus assumantur, qui sæpius curumacissimos morbos chronicos post se traxerunt. Deinde etiam in continua transpiratione, & ob id in aere temperate calido corpus tenendum, probe tegendum, & si sudore madefactum fuerit prius abstergendum, linteamina mutanda & frictionibus calidis prope fornacem calidam cutis tractanda, & quando motus remedii vicem obire debet, non statim ingerenda sunt alimenta omnis generis, sed potius liquida & quæ non perspirationem impediunt. Vinum quoque dilutum modice concedendum, nec non juscula, & potus thée, veronica, subjungendi. Neque sufficit

## OPTIMA CORPORIS MEDICINA.

cit unica vice motum adornare, sed ad minimum bis de die corpus exercere oportet, si valetudinem factam tectam servare, & ad propectam ætatem pervenire cupimus.

Et ita breviter quidem, sed ut spero, satis manifeste, quæ suscepi, bono cum Deo ad finem debitum perducta esse confido, cujus infinitæ benevolentia omnes meos futuros conatus quoque commendo.

F I N I S.

---

 Clarissimo DNO. CANDIDATO

S. P. D.

P R A E S E S.

**S**oleo saepe ante oculos ponere & crebris usurpare sermonibus, laborem, qui a benignissimo Numine primis post lapsum parentibus pœnæ loco impositus erat, optimum esse ac præstantissimum remedium ad recuperandam quodammodo animæ ac corporis, quæ peccato amissâ erat, salutem. Summæ benignitatis erat, in pœna simul statuere remedium miseriæ aptissimum: utpote si rem paullo exquisitius expendimus; nulla res mortalium generi adcommodata magis est, & illorum saluti ac sanitati utilis, quam labor & exercitatio. Nam laborando comparant sibi ad vitam ruendam, vivendique commoditatem conducentia. Labore animus abstrahitur ab omni prava ac vitiosa cogitatione, adeo, uti otium ad voluptates viam pandit paratissimam, ita labor vitiorum & pravarum

E

varum cupiditatum genus ex animo evellit, & ne ra-  
 dices firmas agat, præpedit. Præter hæc quum ob in-  
 temperiem, elementis propter admissū peccatū intro-  
 ductam, variis afflictionibus & morbis corpꝰ obnoxiiū  
 redderetur; opus erat, ut prospera valetudo ad tem-  
 pus fervaretur, infinitaque incommoda averterentur,  
 id quod omne præstat a Deo tantopere commendatus  
 primis parentibus & eorum posteris injunctus labor.  
 Siquidem labore membra firmanur, & non minus a-  
 nimus, quam corpus, hoc ipso vires majores acqui-  
 rit; sanitas item, quæ in sanguinis debito circulo, &  
 superfluum excludere, maximam partem versatur,  
 facta tecta servari potest. Ex eo clarissime intelli-  
 gitur benignissimum illud divinæ sapientiæ ac provi-  
 dentia argumentum, dum labor humano generi in-  
 junctus fuit, qui & animi & corporis medicinam præ-  
 beret utilissimam. Felix idcirco, qui laudatissimo huic  
 ordini sese non subtrahit; infelix ac miserrimus, qui  
 contrariam viam amplectitur, & otio ac voluptatum  
 illecebris, se suamque vitam mancipat: talis enim non  
 nisi vitia animo corporique debilitatem ingenerat.  
 Laudo itaque & adprobo præstantissimam Tuam in-  
 stitutionem, Candidatorum clarissime, qui motum ac  
 laborem inaugurali hoc specimine sistis, tamquam re-  
 medium bonæ valetudinis & optimi corporis habitus,  
 nec non ægritudinibus præcavendis ac sanandis ad-  
 commodatissimum. Silent de hoc certe pessimo fato  
 practicum recentiorum libri, sed in antiquitatis, quæ  
 semper debet & solet valere plurimum, a venerandæ  
 monumentis, hæc recondita jacent. Ex hisce itaque  
 non improbo labore, tamquam ex purissimis fontibus  
 hæc derivasti, & medendi usui coaptasti. Ceterum me-  
 rito

rito Tuis studiis ex animo gratulor, quum & perfecta eadem & probe maturata noverim. Nihil enim intermisisti illorum, quæ ullo modo accessionem ipsis poterant fœnerare, quæ tingere atque ulterius excolere fecundissimum tuum ingenium apta erant: utpote non modo in variis Academiis, sed per varia itinera in exterarum regiones, & peritiam & eruditionem Tibi comparasti non vulgarem, nostroque ductu hæc omnia sic perfecisti, ut jam dignissimus habearis, cui ex æquo artis nostræ præmia, honores possint conferri. Deus ulterius successus tuos prosperet, & clementissime efficiat, ut fortuna Tuis meritis respondeat.

Vale.



D

382.

Faint, illegible text, likely bleed-through from the reverse side of the page.




Halle, Diss., 1707 (Br/R)

ULB Halle 3  
001 513 001



Sb







327.

18

1701, 256

Q. D. B. V.

# STUM AM CORPO. EDICINAM,

NE INAUGURALI  
MAGNIFICENTISSIMO,  
PRINCIPE AC DOMINO,  
DN.

## IO WILHELMO

ELECTORATUS ET PROVIN-  
DENBURG. HEREDE &c. &c.

ADEMIA FRIDERICIANA  
RESIDIO

*Excellentissimi*

### CI HOFFMANNI,

Philos. Natural. ut & Med.

ubl. primarii,

ORIS ET PROMOTORIS SUI

*cultu atatem colendi,*

### DU DOCTORIS

time impetrando,

CI. horis ante & pomeridianis

orum iudicio exponit

### S ANDREAS OTTO,

BURGENSIS.

REÆ ZEITLERI, Acad. Typogr.

*Handwritten signature*

